

quorum alterum Romulum, et reliquum Remulum appellavit: qui dicuntur a quidam lupa lactati, quæ^a fuerunt a meretrice nutriti. Ut autem creverunt, exilium, id est domus refugii construxerunt, profundo vallo et altis turribus invenientes ac lege donantes, quicumque illuc venirent, a quocumque peccato vel debito aut servitio detemptus, statim factus^b fuerit solutus. Quod latrones, homicide, periurii, paricidi ac servi, adulteri et omni genere peccatorum detenti audientes, tamquam aquam fluentes brevi tempore miro^c modo creverunt; et Sabinorum filias, quæ eos propter predicta peccata aspernabantur, armata manu rapuerunt; et sic et^d ipsas filias habuerunt.

Transactis vero quibusdam temporibus, lis est orta inter geminos fratres de nomine civitatis: alter Romam, alius vero Remulam appellare volebat. Qui diu inter se certantes, ad ultimum convenerunt, ut qui longinquius de agere civitatis salire valeret, ipse urbi nomen imponeret. Romulus in necem fratris intendens, foveam altissimam fodens^e, in qua gladios accutos infixit et desuper cooperuit, et fratrem intus salire fecit; et nomen civitatis secundum suum libitum posuit ac Romam vocavit; quamdiu vixit, possedit et undique eius finem ampliavit. Defuncto Romulo, Tarquinius eius filius pro eo regnavit; qui temperantie modum excedens, a regno deiectus est. Et Numa Pompilius est sublevatus, qui primitus numos invenit. Post ipsum Canulus fuit intronicatus, qui rem publicam augmentare in melius, tanquam sua propria, studebat. Canulus in expeditionem^f proficissens, multas civitates depopulabatur, maximam predam est depredatus; quam non bene pro suis partitus^g, ideo ad^h regno est in exilioⁱ proscriptus. Post ipsum Claudius^k, deinde Tarquinius Superbus rem publicam tenuit et Romanorum dominium habuit: qui propter superbiam et eius filius sceleratam nequiciam, quod nobilem conjugatam violenter adulteravit, ipse mortuus et eius pater de regno fuit eiectus. Deinceps Romani regnum superbia diu tractantes, 12 consules elegerunt, cuius^l publica ad regendum dederunt. Qui bene civitatem regendo, per diversas provincias augmentando divitiis ministrantibus, a iustitia declinaverunt; et ideo cives regni^m superbiam melius quam consulum avariciam sustinere deposuerunt. Qua de re, Flavum regem esse, voluerunt; post ipsum Sylam; deinde vero Marium. Iugurthamⁿ regem Numidarum Romano imperio subiugavit. Cui vero subcessit qui nobiles Romanorum viros occidens, ad^o cerdonibus est interfectus.

Postmodum, unius hominis nequicia faciente, centum senes

a) quia? b) fu. fa 3. c) mire 2. d) ex ipsis filios corr. 3. e) fonde 3.
 f) pedicionem iterum 2. g) partibus 2. h) a 3. i) exilis prescriptus 2.
 k) Cladius 2. l) quibus publica 3. m) regis 3 ras. n) Iugurgatam 2. 3.
 o) a 3.